



## Yulgrā a yaa lumaang pusuka, la Alhamdu lillah, a pita tuumā geelg laoko, la subhaanallaah la Alhamdu lillaah, b yiibā pitame, maa a pita būmb ning sēn be saasā la tēngā suka

Yii a Abu Maalik Al-haris [bn 'Aaṣim Al-'As-ariy nengē, (Wēnd yard be a yīnga), a yeelame: Wēnd Tēn-tuumā yeelame (Wēnd puusg la A tulgr be a yīnga): «Yulgrā a yaa lumaang pusuka, la Alhamdu lillah, a pita tuumā geelg laoko, la subhaanallaah la Alhamdu lillaah, b yiibā pitame, maa a pita būmb ning sēn be saasā la tēngā suka, la ad Puusgā yaa vēnem, la sāra (doaag) maanego a yaa daliil sēn wilgd lumaangā, la ad sugr yaa vēnem, la Alkurāanā a yaa gom lubdga, sēn na n sōng foom, maa sēn na n nams foom, ad nebā fāa gilli, b sāta beoogo, n koosd a mengā, be beenē sēn basd a yōor burkīndi n yi Bugmā, be b pugē ned sēn na n halk a yōorā n kēes-a Bugmā pugē».

[Naṣun Ṣahuḥun (Gom-sikdem sēn manege)] [A Muslim n togs-a]

Hadiis-kāngā pugē, Nabiyaamā, Wēnd puusg la A tulgr be a yīng kōta kibare, tī ad yulgr ningā sēn yaa ying yulgrā, a yīta ne koom yōgbo la koom soobo, la yēnda me yaa sart Puusgā pugē. La a leb n wilgdē tī ned sēn na n yeele: « Alhamdu lillah, a yaa būmb sēn pit a tuum geelg laoko », yē me yaa fo sēn na n pēgd Wēnde, A Naam yulgame, la f leb n sīfd-A ne sīf-rāmb sēn pidi, b na n rīka rēnda n pees dūni yīkr raare, t'a pid tuuma laoko. La a leb n wilgdē tī : « subhaanallaah la Alhamdu lillaah » yeelgo, yē me yaa fo sēn na n yulg Naab A Wēnde, n yi boogr fāa gilli, la f leb n sīf-A ne sīfg sēn pidi, sēn sōmb ne-A -A Naam yī wagelle- n lagem ne A nonglem, la A zīsgre, yel-kāensā yaa būmb sēn piti, sēn be saasā la tēngā suka. A leb wilgdame tī ad : « Puusgā » yaa vēnem, a yaa nuura ne yamba, a sūurē wā, la a nengē wā, la a yaoogē wā, la Yīkrā raare. N leb n wilgdē tī doaag maanego, a yaa daliil sēn wīnigd muumin lumaangā sīda, la a sēn weleg ne munaafkā, sēn gidgdb n ka rat n na n yāk Zakā, n ka sīdgd a pulengā. A leb n wilgdame tī « sugr » yaa vēnem, la yē me yaa Adam Biig tōog a meng n yi gēega, la zabre, yaa būmb sēn yaa nuura, tī tuulem la yōogre, n be yel-kānga pugē, t'a yaa wala wīndtoogā vēnem, a yaa būmb sēn yaa toog ne yōore, n leb n dat tī fo tōog n wōr yōorā, la f leb n gidg yōorā n yi a yamleogā, rēnd a soabā ka bakd n be kāndgr pugē wakat fāa, n be sīd zugu, la yēndā me yaa f maan sugri ne Wēnd tūudmā, la f leb n maan sugri n bas A kūsā, la f maan sugri ne yel nins sēn paam foom, la yel tood gill sēn paam foom dūni wā pugē, tī f maan sugri. Rēnd wilgdame tī Alkurāanā a yaa gom lubdga, ne foom tī f sā n karem-a, la f tum ne-a, n leb n yaa gom lubdga, n na n nams foom tī fo sā n bas-a n ka tum ne-a la f ka karemd-a. Rē poorē tī Wēnd puusg la A tulgr be a yīng kō kibare, tī ad nebā fāa gilli, b yitame ned fāa yāgddē, la b sēegddē, n yīkd b gōeemē wā, n yit b zagsē wā, n na n tug n maan b tuumā kōbg toor-toore, Rēnd be b pugē, ned ning sēn na n tēeg

tirga, a tũudmã zugu, ti bas a yõorã burkĩndi n yi Bugmẽ wã, la be b pugẽ ned ning sãn na n kulle, n bas so-tirgã n kẽ Wẽnd kusg pugẽ, n halk a yõorã, ne a sãn na n kẽes-a Bugmã.

<https://sunnah.global/hadeeth/mos/show/66526>

النجاة الخيرية  
ALNAJAT CHARITY

